



壺
 集
 禮
 夏官
 秋官

十一

服部文庫
 117
 177
 4



117
177
4

古周禮夏官目錄

政官之屬七十

書云六十九去圉人也

大司馬

小司馬

軍司馬

輿司馬

行司馬

司勳

馬贊

量人

小子

羊人

司燧

掌圉

司險

掌疆

候人

環人

挈壺氏

射人

服不氏

射鳥氏

羅氏

掌畜

司士

諸子

司右

虎賁氏

旅賁氏

飾服氏

方箱氏

大僕

小臣

祭僕

御僕

隸僕

弁師

司甲

司兵

司戈盾

司弓矢

繕人

橐人

戎右

齊右

道右

大馭

戎僕

齊僕

道僕

田僕

馭夫

校人

趣馬

巫馬

牧師

廋人司馬卿圉師小司馬圉人夫二人軍司

職方氏人與土方氏士八懷方氏馬上士十

有合方氏士三訓方氏人府形方氏十有六人

山師

遵師

甸人

揮人

都司馬

家司馬

職方氏謂
之九服者
取服事天
十為畿此
名九畿者
取制畿封
國為義

殺其親于道。絕矣。故正命定罪而誅之。放弑其君。臣道絕矣。故夷其黨。絕其官而殘之。手上之令。侮上之政。廢濃。壞紀。故杜絕其人。而不使之通也。內外之親。交相淫亂。如鳥獸之聚。應則戕滅其類也。

正月之吉。始和布政于邦國都鄙。乃縣政象之。澶于象魏。使萬民觀政象。挾日而歛之。乃以九畿之籍。施

邦國之政。職方千里曰國畿。其外方五百里曰侯畿。

又其外方五百里曰甸畿。又其外方五百里曰男畿。

又其外方五百里曰采畿。又其外方五百里曰衛畿。

又其外方五百里曰蠻畿。又其外方五百里曰夷畿。

又其外方五百里曰鎮畿。又其外方五百里曰蕃畿。

司勳上士二人。下士四人。府二人。史四人。胥二人。

二十人

馬質中士二人。府一人。史二人。賈四人。徒八人。

量人下士二人。府一人。史四人。徒八人。

小子下士二人。史一人。徒八人。

羊人下士二人。史一人。賈二人。徒八人。

司燿下士一人。徒六人。

掌固上士二人。下士八人。府二人。史四人。胥四人。徒

四十人

司險中士二人下士四人史二人徒四十人

掌疆中士八人史四人胥十有六人徒百有六十八人

候人上士六人下士十有二人史六人徒百有二十

人

環人下士六人史二人徒十有二人

秋官又有環人其說見秋官

挈壺氏下士六人史二人徒十有二人

射人下大夫二人上士四人下士八人府二人史四

人胥二人徒二十人

服不氏下士一人徒四人

射鳥氏下士一人徒四人

羅氏下士一人徒八人

掌畜下士二人史二人胥二人徒二十人

司士下大夫二人中士六人下士十有二人府二人

史四人胥四人徒四十人

諸子下大夫二人中士四人府二人史二人胥二人

徒二十人

司右上士二人中士四人府四人史四人胥八人徒

八十人

虎賁氏下大夫二人中氏十有二人府二人史八人

胥八十人虎士八十人

虎士八百人天子待衛之親兵也六軍之外禁衛惟此而已不曰徒而曰虎士則虎士徒之選而有力者也○虎賁旅賁皆曰氏蓋世守其職者也

旅賁氏中士二人下士十有六人史二人徒八人

節服氏下士八人徒四人

方相氏狂夫四人

大僕下大夫二人小臣上士二人祭僕中士六人御

僕下士十有二人府二人史四人胥二人徒二十

人

道僕上士十有二人

田僕上士十有二人

馭夫中士二十人下士四十人

士二十人下士四十人爲之也

校人中大夫二人上士四人下士十有六人府四人

史八人胥八人徒八十人

趣馬下士阜一人

每阜一人阜馬十二匹也

徒四人

巫馬下士二人醫四人府一人史二人賈二人徒二

十人

巫知馬崇則祭之醫知馬病則療之故類舉於此

牧師下士四人胥四人徒四十人

廋人下士開二人每開二人史二人徒二十人

圉師乘一人每乘一人及乘馬四疋也徒二人圉人從于圉師者良馬

匹一人駑馬麗一人每麗一人麗馬二匹也

職方氏中大夫四人下大夫八人中士十有六人府

四人史十有六人胥十有六人徒百有六十人

土方氏上士五人下士十人府二人史五人胥五人

徒五十人

懷方士中士八人府四人史四人胥四人徒四十人

隸僕下士二人府一人史二人胥四人徒四十人非多

其則不足於用故其徒至四十人也

弁師下士二人工四人史二人徒四人

司甲下大夫二人中士八人府四人史八人胥八人

徒八十人

司兵中士四人府二人史四人胥二人徒二十人

司戈盾下士二人府一人史二人徒四人

司弓矢下大夫二人中士八人府四人史八人胥八

人徒八十人

繕人上士二人下士四人府一人史二人胥二人徒二十人

橐人中士四人府二人史四人胥二人徒二十人

戎右中大夫二人上士二人

齊右下大夫二人

道右上士二人

大馭中大夫二人

戊僕中大夫二人

齋僕下大夫二人

合方氏中士八人府四人史四人胥四人徒四十人

訓方氏中士四人府四人史四人胥四人徒四十人

彤方氏中士四人府四人史四人胥四人徒四十人

山師中士二人下士四人府二人史四人胥四人徒四十人

四十人

川師中士二人下士四人府二人史四人胥四人徒四十人

四十人

邊師中士四人下士八人府四人史八人胥八人徒八十人

八十人

匡人中士四人史四人徒八人

擇人中士四人史四人徒八人

都司馬每都上士二人中士四人下士八人府二人

史八人胥八人徒八十人

冢司馬各使其臣以正於公司馬

鄭氏曰冢卿大夫采地正猶聽也公

可馬謂國司馬也卿大夫之采地王不特置司馬谷自使其家臣為司馬至其地之軍賦往聽政於

注釋古周禮卷四

明 郎兆玉完白注釋

友葉自本茂叔參閱

男郎斗金公宣糾譌

夏官司馬第四

惟王建國辨方正位體國經野設官分職以為民極

乃立夏官司馬使帥其屬而掌邦政以佐王平邦國

邦政即六典之政典也國家之事何莫非政而獨戎政謂之政者用兵征伐以正彼之不正乃政之大者也乎定也書周官司馬掌邦政統六師平邦國

大司馬之職掌建邦國之九灋以佐王平邦國制畿

禮記卷之五
所建侯伯
以爲之長
列國立王
信以爲之
臨臨即禮
記天之使
其大夫爲
三時一于
方伯同
是也見
不學靡
習于放監
其監侯
人

封國以正邦國設儀辨位以等邦國進賢興功以作
邦國建牧立監以維邦國制軍詰禁以糾邦國施貢
分職以任邦國簡稽鄉民以用邦國均守平則以安
邦國比備小事大以和邦國

大司馬政官之長官以馬名者兵之所資莫急于
馬也九漚以糾察諸侯使之咸正故以平言之也
制侯甸男采衛蠻夷鎮蕃九等之畿封公侯伯子
男五等之國而疆土之廣狹斯正也設宮室車服
之儀辨尊卑貴賤之位而名分之等級斯飭也有
善行者進而擢之有治績者興而舉之以作其勸
善樂業之心九州建牧以爲之長列國立君以爲
之監以成其大小相維之勢制軍謂大國三軍次
疆弱相陵之事施貢則各以其所有分職則各以

禮記卷之五
禮記卷之五
禮記卷之五
禮記卷之五
禮記卷之五

家者皆前日之卿大夫也兵無坐食之費將無從
兵之權此先王之制所以爲善也天子六軍七萬
五千人出車千乘也次國二軍三萬五千人出車三百
出車五百乘也小國一軍萬有二千五百人出車一
百六十七乘也李氏曰先王足兵而未嘗有兵
後世有兵而未嘗足兵士不特選皆吾民也將不
改制即吾吏也有事則驅之於行陣事已則歸之
於田野無招收之煩而數不缺無廩給之費而食
自飽故曰先王足兵而未嘗有兵壘壁以聚之倉
廩以生之羣眠類坐而不使補死填亡
之不假故曰後世有兵而未嘗足兵也
葉氏曰大司馬制六軍則兵屬大司馬矣至于軍
旅大事則五官預有事焉蓋古者寓兵于農寓將
於卿命卿爲將此有事之時也無事而統兵亦不
專屬之司馬使兵無專將將無專權也觀周人制
兵之濃國子宿衛之士則屬之家宰虎賁宿衛之
兵則屬之司馬師保四翟之隸既屬之地官又屬
古周禮 四卷 二 堂策監

之秋官至如國有大事國子游卒雖屬于地官之
諸子而又弗征於司馬其衛兵之權散出可知也
鄉遂之民皆軍也則屬之司徒四時之田皆兵也
則屬之司馬閭師地官之屬軍旅之戒則受灋于
司馬至如鄉師帥民徒而致政令受役要可也而
必攻辟于司空其畿兵之權散出可知也蓋古者
兵制自衛民之外六軍之制皆寓兵于農本無兵
之可統寓將于卿本無將之可名又况兵權散出
不屬一人有事調兵則天子遣使一牙璋發之其
權又專屬于天子是以兵滿中外而居然若無造
及數世司馬世官爰以命氏馴至諸侯更霸列國
專征世卿帥師大夫藏甲孔子作春秋凡書帥師
畿權臣也聚民而為兵則兵安得而不惰聚兵而
專將則將安得而不驕此其為患也久矣唐人府
兵號為得井田大意然井田寓兵于農府兵寓農
于兵其意已異而况兵有定額將有定員更番再
世安能無將驕卒惰之患府
兵且爾而况不為府兵者哉

政象之灋謂九灋九代之類也九畿謂九服之界
限也籍書也政職謂兵職也蓋以九畿畫界裁之
于書而施于邦國使共政職也王國之畿必方千
里者不千里不足以待諸侯也王畿之外其地方
五百里號曰侯畿者取其為王斥埃也甸田也甸
畿者取其為王治田出稅也男任也男畿者取其
為王任職也采事也采畿者取其為王治事也衛
畿者取其宣力以衛內也蠻畿言其俗之慢也夷
畿言其俗之易也鎮畿謂須鎮守之也蕃畿謂其
在外為藩籬也自蠻至蕃四畿謂之四夷○丘氏
曰此言方外五百里則以方言之非言面也以方
言之又每面一百五十里兩面相距為五百里自
侯畿至蕃畿通為二千二百五十里兩面相距通
為四千五百里并王畿千里通為五千五百里其
增于禹者五百里之蕃服耳然周之蕃服雖不列
于禹貢九州之外而禹貢九州之外咸建五長東
漸西被卽成周蕃服之域是周之蕃
服其名雖增于禹而地未嘗增也

凡令賦以地與民制之。上地食者參之二。其民可用者家三人。中地食者半。其民可用者二家五人。下地食者參之一。其民可用者家二人。

凡令邦國之兵賦以地之數惡與民之衆寡而制之也。上地可食者三之二。謂田百畝也。其不可食者三之一。謂菜五十畝也。上地家七人。故其可用為兵者三人。中地可食者半。不可食者半。謂田百畝。菜亦百畝也。中地家六人。故其可用為兵者兩家共五人。下地可食者三之一。謂田百畝也。其不可食者三之二。謂菜二百畝也。下地家五人。其可用為兵者家二人。此制賦之等也。

中春教振旅。司馬以旗致民。平列陳。陣如戰之陳。辨

鼓鐸錮鏡之用。王執路鼓。諸侯執賁。汾鼓。軍將執晉

鼓。帥執提。旅帥執鞀。平長執鏡。兩司馬執鐸。公司

馬執鐻。以教坐作進退。疾徐疏數之節。遂以蒐田。有

司表貉。誓民。鼓遂圍禁。火弊。獻禽以祭社。

此下言四時教閱之禮。春曰振旅。謂振起其師旅也。熊虎為旗。司馬植之。而期民集于其下也。平其列以為陣。教兵將以戰。故如戰之陣。兵以鼓進。以金退。鐸錮鏡皆似鈿而有大小之異。四器皆所以節行也。故辨其用。路者道之大也。上以道御衆。故執路鼓。賁者事之大也。諸侯為王執事。故執賁鼓。軍將統萬二千五百人。晉以進為義也。帥統二千五百人。提者馬上鼓。有曲木柄可提而擊也。旅帥統五百人。鞀騎上鼓也。卒長統百人。執金鏡。以止鼓。兩司馬統二十五人。執金鐸。以退鼓。公司馬伍長執金鐻。以節鼓。蒐索也。春時鳥獸字乳。擇不孕者。然後取之。有司肆師甸祝也。將田之。田立表。

而務祭之誓民司馬以軍渡誓民犯田瀆之罰也
禁謂虞衡守禽之禁也乃擊鼓而闢之春田用火
田止曰弊虞人植旌衆皆獻其所獲之禽焉以禽祭社以上方施生而有祈也

中夏教芟拔舍如振旅之陳羣吏撰選車徒讀書契

辨號名之用帥以門名縣鄙各以其名家以號名鄉

以州名野以邑名百官各象其事以辨軍之夜事其

他皆如振旅遂以苗田如蒐之瀆車弊獻禽以享禘

論

菱舍草舍也軍有草舍之瀆以防寇敵亦平列陣
如戰之陣也車兵車徒步卒撰數釋之也讀書契
以簿書校錄軍實也號名謂以旗幟相別如下文
所云也帥謂軍門以下也以門名者若魯有東門

襄仲宋有桐門右師之類縣正鄙師各以其官名
之鄉大夫之家以其美稱之號名之六鄉一鄉有
五州各以其州名之野謂六遂各以其邑名之百
官各以所治之事名之凡此號名皆以待軍旅之
夜事以聲聞相別也夏田曰苗以除禽獸之害苗
者務誓鼓舞一如春蒐之瀆用車示所取物少也
初夏祭名

中秋教治兵如振旅之陳辨旗物之用王載大常諸

侯載旂軍吏載旗師都載旛鄉遂載物郊野載旒百

官載旗各書其事與其號焉其他皆如振旅遂以獮

田如蒐田之瀆羅弊致禽以祀祊方

旗物所以作戰如下文所云載猶建也事謂所掌
之事號謂所稱之號若書于旗物也獮殺也以殺
古周禮四卷五堂策監

桑氏曰述
事為書卷
驗為誓語
前聲于案

鄭氏曰軍
將皆為卿
蓋為管治
平國門魯
齊東門襄
神家有桐
西石師皆
王卿為軍

將者也
何氏曰以
門名者旌
職皆其門
所禮者也

命各順秋氣也。羅網羅也。枋謂祭四方以報成萬物也。

何氏曰先期戒眾既戒而後期著可誅陳師誓眾既誓而進命者可斬軍灑而嚴故

中冬教大閱前期羣吏戒眾庶修戰濃虞人萊所田之野為表百步則一為三表又五十步為一表田之日司馬建旗于後表之中羣吏以旗物鼓鐸鑼各帥其民而致質明旗弊誅後至者乃陳車徒如戰之陳皆坐羣吏聽誓于陳前斬牲以左右狗陳曰不用命者斬之中軍以鼙令鼓鼓人皆三鼓司馬振鐸羣吏作旗車徒皆作鼓行鳴鑼車徒皆行及表乃止三鼓搥鹿鐸羣吏弊旗車徒皆坐又三鼓振鐸作旗車徒皆作鼓進鳴鑼車驟徒趨及表乃止坐作如初乃鼓車馳徒走及表乃丘鼓戒三闕缺車三發徒三刺乃鼓退鳴鑼且卻及衣乃止坐作如初遂以狩田以旌為左右和之門羣吏各帥其車徒以敘和出左右陳車徒有司平之旗居卒間以分地前後有屯百步有司巡其前後險野人為主易野車為主既陳乃設驅逆之車有司表貉于陳前中軍以鼙令鼓鼓人皆三鼓羣司馬振鐸車徒皆作遂鼓行徒銜枚而進大獸公之小禽私之獲者取左耳及所弊鼓皆駘車徒

表止

皆譟徒乃懸致禽饁獸于郊入獻禽以享烝

太閼者冬農隙之時故大閱兵而習戰也羣吏謂鄉師以下也前大閱之期而戒衆庶以修戰攻之事萊於草以便馳驅表立表以正行列也每百步立一表爲三表其間有三百步四表之間通三百五十步左右之廣當容三軍至將田之時司馬建旗以待民之至南爲前表北爲後表後表第一表也建旗後表之中謂第一表之中央也帥民而致致之于大司馬也迨天正明作後表之旗旣作而後至者誅之乃陳兵車步卒一如春秋之陣將誓衆皆使坐而聽之諸將軍以下率衆而聽誓于陣前乃斬牲而徇陣之左右曰不聽王命者斬之如此牲也中軍之將擊鞀以令鼓所以作士氣也帥帥各三擊其所執之鼓司馬乃振鐸以作衆羣吏皆植所建之旗物車徒之坐而聽誓者皆起鼓人擊鼓以行之伍長鳴錡以節之車徒之作者皆行自第一表行至第二表而止鼓人又三鼓擁鐸者

掩其口而振之也羣吏聞鐸皆仆其旗軍徒皆坐止行而息氣也鼓人又三擊鼓司馬又振鐸羣吏開鐸又植其所仆之旗坐者皆起鼓人擊鼓而進之伍長鳴錡以節之驟平馳也趨疾走也此言赴敵尚速之漸也自第二表驟趨至第三表而止坐作亦如第二表之灋也鼓人又擊鼓車疾驅徒速行此言勇于赴敵也自第三表馳走至第四表而止聲鼓以戒攻敵以三爲節每鼓一闕則車一發徒一刺至三而止車一發謂向前一轉也象已勝敵故鳴鼓而退卒長鳴鏡以止鼓而退兵自第四表退至第一表而止坐作一如前灋遂以狩田冬田曰狩言守而取之無所擇也軍門曰和取師克在和之義也衣兩旌于左右以爲之羣吏各帥其車徒次第出和門或出而左或出而右鄉師居門正其出入之行列旗軍吏所載也每百人爲一卒分地者調其部曲之疏密也車徒前後異屯其相去百步鄉師又巡其行列使之不紊險阻山谿則以步卒居前足以突擊平夷原野則以兵車居前

足以管衛車徒既列成陣驅車者驅出禽獸使趨而獲逆車者逆邀之使不出圍有司表貉于陳前一如振旅之灋羣司馬即兩司馬也振鐸以作衆車徒坐者皆起遂擊鼓而行步卒皆衛枚而進所以止喧譁也得大獸則納于官得小禽則自取之先公後私也取左耳以計多少而論功也及田所當止之處鼓賦衆譟以象克敵而喜也疾雷擊鼓曰賦譟謹也冬田以徒爲主故曰徒獒乃聚所獲之禽因以饗祭四方之神于郊入以獻于先王也冬祭曰烝○四時講武名雖不同事則無異春辨金鼓夏辨號名秋辨旗物冬立表戎誓教戰莫不皆然四時各舉一事特互言以見義耳李氏曰兵者不解之器不得已而用之若無故而習是習殺人而非示天下不復用兵之意也故用春蒐夏苗秋獮冬狩而教焉鳥獸魚鼈皆函血氣若無故而殺之是暴天物也作禽荒也故因祭祀享初祀祊享烝而行焉明非好兵也爲田獵也非好田獵也爲祭祀也外以彰事神之禮內以作不

虞之備聖人之動其慎如此不足爲後世灋乎

及師大合軍以行禁令以救無辜伐有罪若大師則掌其戒令蒞大卜帥執事蒞爨主及軍器及致建太常比軍衆誅後至者及戰巡陳眠事而賞罰若師有功則左執律右秉鉞以先愷樂獻于社若師不功則厭^燁而奉主車王弔勞士庶子則相大役與^預慮事屬^燭其植受其要以待攷而賞誅大會同則帥士庶子而掌其政令若大射則合諸侯之六耦大祭祀饗食羞牲魚授其祭大喪平士大夫喪祭奉詔馬牲

書泰誓王左杖黃鉞
王弔無自用鉞之禮
左杖以爲
與此此右
秉鉞則言
喪殺伐乃
將事也

指部備將
更左傳宋
滅華元為
臨巡功屬
曾聚之也

及師當用兵之時大合軍司馬大起師也救無辜
仁之至也伐有罪義之盡也大師王親征也大卜
占出兵之吉凶者卜既得吉乃迎遷廟之主及社
主載之齋車執事者殺牲取血以塗主及軍器司
馬則帥而臨視之致鄉師致民于司馬也巳建大
常而後至者是不用命者也故誅之律聽軍聲故
左執之鈇示將威故右乘之先猶道也乃奏愷捷
之樂而獻功于社也厭喪冠也戰敗則喪服示威
奉主車以歸于廟社也士庶子戰敗而有死有傷
王親弔其死者問勞其傷者皆司馬相其禮大役
謂築作城池役衆之大事司徒司空謀慮役事司
馬與焉值謂主役人之官屬其植則欲知其人之
多寡要謂計功程之書受其要則欲知其功之差
等以待考校其功過而行誅賞也士國子之已命
者庶子謂未命者兩人為耦王大射以選士則合
諸侯為六耦以射三侯饗食于廟所以禮賓客也
魚牲以魚為牲也投其祭授尸賓所當祭之物也
平一群臣之喪禮也王喪以馬祭者蓋遺奠也奉
猶送也送之至
墓告而藏之也

小司馬之職掌

此下有闕文

凡小祭祀會同饗射師田喪

紀掌其事如大司馬之灋

小司馬佐大司馬所掌軍旅之制攻戰之法必詳然文闕而不可攷矣

軍司馬

闕○鄭玄曰此下札爛文缺漢與求之不得遂無識其數者

輿司馬

闕○輿衆也

行司馬

闕○行列也

先王制禮道民吉凶賓嘉之禮達于天下而軍禮
獨藏于司馬周禮于庶官職掌纖悉率具而小司
馬之職列舉其畧軍司馬與司馬行司馬徒列其
名得非軍禮尚密而權謀術數非所以為教耶
古周禮 四卷 九 堂策檻

司勳掌六鄉賞地之灋以等其功。王功曰勳。國功曰功。民功曰庸。事功曰勞。治功曰力。戰功曰多。凡有功者銘書於王之太常。祭於大烝。司勳詔之。大功。司勳藏其貳。掌賞地之政令。凡賞無常。輕重視功。凡頒賞地。參三之一。食唯加田無國正。

司勳主賞功之官。六鄉賞地。卽載師之賞地也。在遠邇等差。等其功之大小也。輔成王業。其功最大。故謂之勳。保全國家。其功次之。故謂之功。灋施下民。其功有常。故謂之庸。以勞定國。勤勞足以立事。故謂之勞。制灋成治。疆力足以任事。故謂之力。越敵出奇。多算而勝。故謂之多。書有功于太常之旗。與日月同其光也。死而祭于大烝。與先王同其享也。其祭之也。司勳以配享之功。詔告于神。大功之

書藏于天府。而司勳又藏其副本。以主其賞。政令謂賞田之賦役也。功之大小不可預知。故無常也。若賞之輕重。惟視其功之大小。參之一。食。賞田之稅以三分之一。王食其一。功臣食其二。既賞以田。又加賜之。則免其征稅也。

馬質。掌質馬。馬量三物。一曰戎馬。二曰田馬。三曰駑馬。皆有物質。價綱。惡馬。凡受馬于有司者。書其齒毛。與其質。價馬死。則旬之內更。旬之外入馬耳。以其物更。其外否。馬及行。則以在齊其行。若有馬訟。則聽之。禁原蠶者。

馬質。主平馬價者。質。馬買馬。則平其價。直。三馬之材。必量其高下。然後可知其價。戎馬。所以卽戎者。

田馬所以共田獵者。駑馬下材，所以共冗事者。皆以其材之美惡定其價之高下也。網惡馬，網維馬之惡者，所以禁其隄齒也。有司謂校人之屬受馬，謂國事當用馬者。馬質則書其年齒、毛色及其價直于籍，以待其入也。更償也。旬之內死者，償以齒。毛與價任之日，淺養之惡也。旬之外死者，償以齒。其實死償以毛，色不以齒償任之過其任也。旬之外又踰二十日而死，不在用非用者，罪故不償也。以任齊其行，以所載之輕重而別其力之彊弱。有爭馬之訟，則聽其曲直焉。原再也。蠶為龍精，與馬同祖。歲再蠶，蠶勝而馬衰，故禁之。○柯氏曰：天文辰為馬，蠶書蠶為龍精，月直大火則浴其種，是蠶與馬同氣物，莫能兩大。禁再蠶者，為傷馬也。或曰：原當是平原牧馬之處，禁蠶桑于野者，恐害馬芻。

量人掌建國之灋，以分國為九州。營國、城郭、營后宮。

量市朝道巷門渠，造都邑亦如之。營軍之壘，舍量其

市朝州徐軍社之所里，邦國之地與天下之涂數，皆

書而藏之。凡祭祀饗賓，制其從獻脯燔之數量，掌喪

祭奠，竈之俎實，凡宰祭與鬱人受筆歷而皆飲之。

唐祭祀一
設非量人
之事祭前
編錯凡因
章內有數
量二字遂
附量人吳
氏以為量
人之文錯
在此

量人主度地以丈尺，量地廣狹者，建國之灋，謂辨位正灋也。自王國及侯國，列其地為九州。營創也。營，王國之內城外郭，營王后之六宮，市在後朝，在前道巷，以往來門，以出入渠，以通水，皆量其廣狹而為之制也。壘，軍壁也。舍，軍舍也。王師所在，有市。有朝，一師所聚，則謂之州。二千五百人也。所由則有涂，出師必載社土，以行而社軍所至之居，則有里也。諸侯之封域，其制有大小，天下之道塗，其數有多寡。書而藏之，以備考察也。從獻脯燔者，以所獻牲牢為正，以脯燔為從也。其物之所共，則有數。

古周禮

四卷

十一

堂策檻

其器之所容則有量。量人制之。其官以量多少為事故也。遺竈俱有祭。祭皆有俎。實量人掌之。以其制度數故也。宰祭謂豕宰佐王祭及鬯祭也。既祭量人與鬱人受舉。舉之餘瀝而飲之。昭神惠也。

小子掌祭祀。羞羊肆。羊殺肉豆。而掌珥于社稷。祈于五祀。乃沈辜。侯禳。飾其牲。釁邦器。及軍器。凡師田。斬牲。以左右徇。陳陣。祭祀贊羞受徹焉。

小子主祭祀之小事。乃司馬用牲者。羞進也。羊肆謂體薦全牲也。羊殺謂體解節析也。肉豆謂加切肉于豆也。珥。珥灾之祭也。所求福之祭也。沈謂沈沈辜。謂禱辜侯。謂侯禳。謂禳灾。皆小子飾其牲也。邦器。鐘鼓之屬。軍器。戈戟之屬。斬牲而殉于陣之左右。言不用命者。其受戮于社。有如此牲。

大音屬夏
禮氏曰夏

羊人掌羊牲。凡祭祀飾羔。祭祀割羊牲。登其首。凡祈

珥。共其羊牲。賓客共其瀼羊。凡沈辜侯禳釁積共其

羊牲。若牧人無牲。則受布于司馬。使其賈。古買牲而

共之。

羊人主共祭祀之羊牲者。飾謂飾之以纁示敬也。登升也。首者。陽氣所聚。升首於室。以報陽也。瀼羊。賓客牢禮之瀼所用也。積謂積柴。即實柴也。

司燿。掌行火之政令。四時變國火。以救時疾。季春

出火。民咸從之。季秋內納火。民亦如之。時則施火令。

凡祭祀則祭燿。凡國失火。野焚萊。則有刑罰焉。

司燿。主火政者。舉火曰燿。行火。循用火也。變。更換也。春。取榆柳夏。取棗杏。夏。季取桑柘。秋。取柞櫟。冬。也。春。取榆柳。夏。取棗杏。夏。季取桑柘。秋。取柞櫟。冬。也。

古周禮

四卷

十二

堂策檻

禮曰羊曰
不疾無益
豎主揚羊
二牲故在
此

取槐檀也。四時之火各以其宜則火可救矣。季春建辰之月，火星始見，因出之以宣其氣。雖烈山焚萊不禁也。民皆從其出火之令焉。季秋建戌之月，火星始伏，因納之以息其氣。雖鑠金焚薙不為也。民亦從其納火之令焉。祭燔以報始鑽燧出火者，國中失火，野外焚萊皆不謹，以至此故。施刑罰以薄懲之。

掌固。掌脩城郭溝池樹渠之固，頒其士庶子及其眾庶之守，設其飾噐，分其財用，均其稍食，任其萬民用。其材噐，凡守者受灋焉。以通守政，有移甲與其役財用。唯是得通與國，有司帥之以贊其不足者。晝三巡之，夜亦如之。夜三鑿以號戒。若造都邑，則治其固，與其守灋。凡國都之竟，境有溝樹之固，郊亦如之。民皆有職焉。若有山川，則因之。

掌固主封疆之固者，浚溝之土以爲城，鑿池之土以爲郭，有渠以通水而植木其上。凡此皆所以爲固也。頒士庶子所守之地，使董眾庶以爲守，設其飾噐甲兵之屬，設之以聳觀瞻，備非常也。分財用以給守者，均稍食以養守者，任萬民以供濬築之役。用材噐以爲守禦之需，凡守城池備寇難者，皆受灋于掌固。守者各致其守，不可以有移然。或甲兵有時不足，用力役有時不足，共財用有時不足，給則移其所有，餘贊助其所不足，非此三者則不得矣。離部伍也。鑿戒守之鼓，擊鼓夜行，號呼而使之戒守。此掌固設灋于所守之處也。民職民各任其守險之職也。山川因之阻險，以爲固也。

司險。掌九州之圖，以周知其山林川澤之阻，而達其

一本唯字
何絕同作
國連皆有
守禁為

道路設國之五溝五塗而樹之林以為阻固皆有守
禁而達其道路國有故則藩塞阻路而止行者以其
屬守之唯有節者達之

司險主山谿之險者在國曰固在野曰險山林川
澤有阻塞不通者觀于地圖可以徧知之也山林
之阻則開鑿之川澤之阻則橋梁之使道路通達
也五溝遂溝洫滄川也五塗徑畛塗道路也植林
木作藩落于溝涂之上用為阻固既有守禁而達
其道路聽民往來也國有故謂兵事也閉塞要害
之路不通往來
所以備姦宄也

掌疆 關○疆四境之界也王者立
國設官掌之所以固圉也

候人各掌其方之道治與其禁令以設候人若有方

治則帥而致于朝及歸送之于竟

候人主候迎賓客者四方賓客之來則掌其道路
之治禁令所以備姦宄也四方各設其人以候賓
客蓋選卒徒為之也四方有來治國事者候人則
率其人而造于王朝及其治事竣而歸候人復送
之出
境也

環人掌致師察軍慝環四方之故巡邦國搏搏謀賊

訟敵國揚軍旅降圍邑

巡察內外若環之相循而不窮故命官曰環人致
師者犯敵以誘其出也軍慝者懷詐潛入我師也
四方有兵戎之故則環而巡之巡邦國察陰陽也
搏謀賊防反間也訟敵國敵來侵則與之爭直曲
也揚軍旅壯兵威也降圍邑城
邑被圍欲降者則受而降之也

古周禮

四卷

十四

堂兼監

中壺以水
聽其聲刻
之多以中
壺以火視
其漏刻之
遷易分以
晝夜者驗
漏箭以辨
晝夜也

挈壺氏掌挈壺以令軍井。挈轡以令舍。挈舂。本以令糧。凡軍事。縣壺以序聚糧。析凡喪。縣壺以代哭者。皆以水火守之。分以日夜。及冬。則以火爨鼎水而沸之。而沃之。

挈壺氏主定漏刻者。挈提也。壺盛水之器。先王分十二時于一晝一夜之間。以漏箭準十二時而為百刻。分晝夜而定長短。于是立挈壺氏之職焉。軍中穿井。井成。汲水。則挈壺以表于其上。使軍衆知取水處也。轡。所以駕馬者。軍所止宿之地。則挈壺以表之。使軍中知所止宿也。舂。盛糧之器。于置糧食之地。則挈舂以表之。使軍中知取糧處也。凡軍中。過夜。則擊椽守備。挈壺氏縣壺。定更漏。以序次之。有更漏。則擊析者。可更迭矣。喪未大斂。則哭必達。且有更漏。則守尸而哭者。可相代矣。以水守壺者。所以添漏水也。以火守壺者。夜則視刻數也。分以日夜者。分晝夜之刻數于漏上也。冬則水凝而漏不下。故以火爨鼎水為沸湯。以沃漏也。

鄭氏曰。漏之箭。晝夜共百刻。冬夏之間。有長短焉。大史立成。灋有四十八箭。賈曰。漢灋以器盛四十八箭。箭各有刻。以壺盛水。縣于箭上。箭而下之水。水淹一刻。則為一刻。四十八箭者。蓋取倍二十四氣也。

射人掌國之三公。孤。卿。大夫之位。三公北面。孤東面。卿大夫西面。其挈。三公執璧。孤執皮帛。卿執羔。大夫鴈。諸侯在朝。則皆北面。詔相其灋。若有國事。則掌其戒令。詔相其事。掌其治達。以射灋治射儀。王以六耦。

射石三侯。三獲三容樂以騶虞九節五正。征諸侯以
四耦射二侯二獲二容樂以狸首七節三正。孤卿大
夫以三耦射一侯一獲一容樂以采蘋五節二正。士
以三耦射豕侯一獲一容樂以采芣五節二正。若王
大射則以狸步張三侯。王射則令去侯立于後以矢
行告。卒令取矢祭侯則為位。與太史數射中。佐司馬
治射正。祭祀則贊射牲。相孤卿大夫之灋儀。會同朝
覲作大夫介。凡有爵者。太師令有爵者。乘王之倅。萃
車有大賓客則作卿大夫從。戒太史及大夫介。大喪

與僕人遷尸作卿大夫掌事。比其廬不敬者苛罰之。

射人主賓射大射之儀者。王與諸侯行賓射之禮。則國之公孤大夫與焉。射人則主其位。此將射始入見君之位也。三公北面以答君也。孤卿大夫東西。所以佐佑王也。各執鞶以見者。致其始見之禮也。諸侯來朝未歸者。從三公之後也。灋即禮儀也。治達以善治射事者。達之于王也。射灋謂射禮之灋。如下文所謂侯也。獲也。容也。樂節也。皆射儀也。兩人為耦。六耦共十二人。三侯熊侯虎侯豹侯也。三獲謂執獲旌而告中者。三人也。三容謂設屏風以蔽待獲者也。歌騶虞之詩以為節。九節以九為數。五正畫五采之雲氣以為正。鵠也。中朱次白。次黃。次蒼。而黑居其外焉。二侯熊豹也。二獲二容如侯之數也。七節者狸首以七為數也。三正朱白蒼也。一侯麋侯也。一獲一容如侯數也。二正朱綠也。豕胡犬也。以胡犬之皮為侯也。一獲一容如侯數也。此王與諸侯賓射之儀也。大射將祭而擇

士之射也。狸獸之善搏者，行則止而擬步焉。其發必獲，是以量侯道灋之。蓋灋其步數以取遠近而張熊虎豹之三侯也。王自射則令負侯者去侯而立于其後，王既發矢則以矢行之高下左右告于王。射畢則令射鳥氏取矢，此大射之儀也。祭侯之時則設位于西北，三步射以不失正鵠為主。司馬治之而射人佐之也。郊禘之祭，王親射牲，射人則贊助之。孤卿大夫射則相其射灋，與射儀也。諸侯來朝，公卿有事則大夫為介，謂之作者射人請之于大夫也。凡有爵者謂命士以上，不使賤者倅車戎車之副也。王喪親與貴者居廬，比者比其服之醜，疎貴賤也。居廬而不敬者則詰問之也。

服不氏掌養猛獸而教擾之。凡祭祀共猛獸，賓客之事則抗皮射，射則贊張侯以旌居乏而待獲。

服不氏主擾獸者，服不謂獸之驚猛，不服者能擾而馴之也。猛獸熊羆黑虎豹之屬，教而擾之，使馴服而不搏噬也。祭祀共獸以介，賸羞也。抗舉也。賓客來朝陳虎豹之皮，則舉而藏之，乏制如屏風，即所謂容也。射中則舉旌以唱獲也。

射鳥氏掌射鳥。祭祀以弓矢毆鳥為。凡賓客會同軍旅亦如之。射則取矢，矢在侯高則以并夾取之。

射鳥主毆鳥者，鳥謂鳧雁之屬，射之以其膳羞也。祭祀左潔淨，毆鳥為慮其污穢也。賓客會同軍旅，主嚴肅，毆鳥為慮其喧擾也。王射畢則主取矢，若矢著高人手不能及，則以并夾取之。并夾，鉞箭之具也。一說并夾，矢齧也。

羅氏掌羅鳥。鳥惜則作羅襦。仲春羅春鳥，獻鳩以養國老，行羽物。

以和布氣
鷹化為鳩

羅氏主捕鳥者羅網也。以羅網捕鳥也。鳥謂卑居
鴉也。蜡十二月大祭萬物也。禘與禘同。網之細密
者作猶用也。春鳥蟄而始出者鳩鷹所化者鳩與
春鳥宜養老以助生氣。故獻之羽物。鵠雀之類。行
謂以獲
賜也。

掌畜。掌養鳥。而阜蕃。教擾之。祭祀共卵鳥。歲時貢鳥
物。共膳獻之鳥。

掌畜主育鳥者畜養也。凡鳥可以供祭祀備膳羞
者養之。以待用焉。禽鳥可食者非一種。掌畜斂而
養之。阜蕃使各遂其生也。教擾使成順其性也。卵
鳥鷄鶩之屬。其卵可薦者鳥物鵠雁之屬。以時而
來者膳獻之鳥。雉鶉之屬。鄭氏。鴈曰先王制官
欲其簡而不冗。自服不氏以下。或教猛獸或射飛
鳥。或羅或畜。蓋一官可以兼數職也。四官其事雖
微。然所掌者供鬼神之祭祀。供人君之膳羞。供賓

客之禽獸設官以備物物備而禮舉凡
以肅國體而尊天王也孰謂冗且濫耶

司士掌羣臣之版。以治其政令。歲登下其損益之教。

辨其年歲。與其貴賤。周知邦國都家縣鄙之數。卿大
夫士庶子之數。以詔王治。以德詔爵。以功詔祿。以能
詔事。以久奠食。唯賜無常。正朝儀之位。辨其貴賤之
等。王南鄉。可三公北面。東上。孤東而北上。鄉大夫西
面北上。王族故士虎。士在路門之右。南面東上。大僕
大右。大僕從者在路門之左。南面西上。司士擯。孤卿
特揖。大夫以其等旅揖。士旁三揖。王還。旋揖門左。揖

門右。太僕前。王入內朝。皆退。掌國中之士治。凡其戒令。掌擯士者。膳其摯。凡祭祀。掌士之戒令。詔相其虜。及賜爵。呼昭穆而進之。帥其屬而割牲。羞俎豆。凡會同。作士從。賓客亦如之。作士適四方。使爲介。大喪。作士掌事。作六軍之士。執披。凡士之有守者。令哭無去。守國有故。則致士而頒其守。凡邦國三歲。則稽其士任。而進退其爵祿。

司士主七籍者。凡以道藝仕者。自公至士。不論貴賤。總謂之士。士始附于版籍。此官掌之也。政令如下文所云也。群臣有黜有陟。則其數有損有益。每歲登之下之。辨其年。則知其齒之壯老。辨其歲。則知其任之久近。貴謂大夫以上。賤謂士以下也。周編也。編知其數。用以告王。所當進退之事。有德者告于王。而爵之。有功者告于王。而祿之。有不能者告于王。而任以事。食餼廩也。不待詔。王特以任事之久而定其多寡。賜出于特恩。故無常數。朝儀謂視朝于路門外之儀也。自三公至大僕。從者皆有常位。正其位。使不差也。貴賤有等。辨其等。使不亂也。南鄉。向明而出治也。三公面向王。故北面。而以東爲上。孤佑王者。故在王之右。而東面。以北爲上。卿大夫佐王者。故在王之左。而西面。亦以北爲上。王族故士。謂宗室之親。故爲士。而宿衛者也。虎賁之士。皆從王者。立于路門之右。而南面。以東爲上。大僕侍從之長。大右司右也。大僕從者。小臣祭僕之類。亦從王者。故立于路門之左。而南面。以西爲上。王視朝。司士擯相之。孤卿職尊。故逐一揖之旅衆也。大夫稍卑。故各于其等爲衆。揖之士。又卑而有上中下。故旁三揖焉。還回旋也。以在路門左右者。皆南面。故還揖之也。大僕近前。正王視朝。

之位視朝畢乃入路門內朝朝者皆退士治上之
位于王國者則治其進退損益也卿大夫士以贊
見王司士歸其所執羔鴈雉于膳人以共王膳也
賜爵謂祭畢旅酬之爵神惠及下以昭穆為序也
作使也作士從選上之有行藝者進之從王也奉
王命以使四方則選士為之介喪則使士主奠歛
之事披柩車行所以披持棺者有組以結之謂之
戴鄭司農云披者扶持棺險者也疏之披者車兩
旁使人扶之若四馬六轡然故名持棺者為披也
守所守也謂士于喪紀中有職事者令帥其所守
之地與事而哭之勿令去信地而他哭也國有故
謂喪與兵也士任有功過三歲則稽考之因功過
為爵祿之
進退也

諸子掌國子之倅掌其戒令與其教治辨其等正其
位國有大事則帥國子而致於大秦子唯所用之若

有兵甲之事則授之車甲合其卒伍置其有司以軍

禮治之司馬弗正征凡國正弗及大祭祀正六牲之

體凡樂事正舞位授舞器大喪正羣子之服位會同

賓客作羣子從凡國之政事國子存遊倅使之脩德

樂道春合諸學秋合諸射以攷其藝而進退之

諸子主庶子者倅副貳也國子之正則公卿大夫
士之適子而其庶子之介于適者則為副貳也戒
以警之令以諭之教以其藝治以其事辨等明貴
賤也正位別上下也敘其爵而為之等敘其齒而
為之位所謂敘爵為等者以父之爵為之等也國
之大事祀與喪公卿大夫聽于王故其子聽于大
子也惟所用之惟太子之所用也若有征伐授以
車則馬可知授以甲則兵可知合卒伍聯之有數

為部隊也。置有司帥之有人為統領也。以軍法治之。坐作進退一如軍旅也。惟其為國之貴遊子弟。故皆屬于太子司馬。不得以兵賦征之也。非惟司馬弗征。凡鄉遂所有甸徒力役之事。皆不及也。正其牲體以序而獻也。正舞者所立之位。如六佾八佾之位。授舞者所執之器。如左籥右翟之器。遊倅謂倅之未仕者。蓋正事。但及于國子。故遊倅則存之。于未用。蓋存之。使修德樂道。以成其材也。春則合于六學而教之。學秋則聚于射府而教之。射其材。藝優者進。與之官爵。否則退之。使更習業也。李氏曰。王者之師。非直與于閭里。而又取諸世族。彼以父祖富貴。宜有報上之心。况學習道藝。孰不知忠孝之美。任之以金革。則與于賞。蹈利庸徒。鬻賣者。蓋有間矣。且太子將為君。國子將為臣。君臣之分未定。而恩義固已接。則今日之遊倅。未必不為嗣王之將帥也。

司右掌羣右之政令。凡軍旅會同。合其車之卒伍。而

比其乘屬。其右。凡國之勇力之士。能用五兵者屬

焉。掌其政令。

司右主勇士為車右者。以其居屬車之右。故謂之右司。士主之羣右。謂戎右。齊右。道右也。卒伍謂車僕所掌車之卒也。比其乘使馬同力也。屬其右使。人同心也。五兵。戈。戟。酋。矛。夷。矛也。車右必選有力之士。故凡有勇力而能任其者屬焉。

虎賁。氏掌先後王而趨。以卒伍。軍旅會同亦如之。

舍則守王闕。王在國則守王宮。國有大故則守王門。

大喪亦如之。及葬從遣車而哭。適四方使。則從士大

夫若道路不通。有徵事。則奉書以使於四方。

虎賁主以虎士而衛王者宿衛王宮之士號猛如
虎疾走如賁故謂之虎賁設官主之王出而以虎
士趨于前後以衛王也言率伍則有行列矣雖趨
而不失其隊也。閔王所舍之防也王出而舍于外
則虎士守王閔王入而在干國則虎士守王宮國
有兵災之故則以虎士守王門遣車于之魂魄所
依故從之而與有使命而虎士從護王命也
道路不通有兵寇之故徵事奉書以徵兵也

旅賁氏掌執戈盾夾王車而趨左八人右八人車止
而持輪凡祭祀會同賓客則服而趨喪紀則衰葛執
戈盾軍旅則介而趨

旅賁主以旅力而衛王者王乘車而出則以下士
一人執戈盾夾王車而行車止持輪使王車安
固也祭祀會同賓客皆吉事也則吉服而趨喪紀
凶事則衰葛執兵而行軍旅戎事也則甲冑而趨

節服氏掌祭祀朝覲衮冕六人維王之太常諸侯則
四人其服亦如之郊祀裘冕二人執戈送逆尸從車

節服氏其所著服與王為節者服衮冕者從王服
也太常王所建旗六人維之則一畔有三人持之
也諸侯建交龍之旗四人持之則一畔有兩人維
之其服亦同諸侯之服也尸服與王同大裘節服
氏亦大裘故二人皆裘冕也送尸迎尸皆執戈而
從尸車之後○或以節服氏為掌王服之中節者
掌祭祀朝覲衮冕句六人維王之太常句郊祀裘
冕句二人執戈送逆尸從車句或衮冕或裘冕皆
王服也節服氏掌之鄭註六人同王之裘冕四人
同諸侯之服四人皆裘冕似為僭擬然按書傳大
輅圖王在輅上騾乘者一人步行導前皆一人
旁行者六人皆冕服則亦似有說今姑從鄭註
禮緯含文嘉云天子旌九兩十二旒曳地諸侯七
兩七旒齊軫大夫五兩五旒齊較士三兩三旒齊

首彼成異代。漚故旒不依命。數周之諸侯之旌。皆交龍為之。上公九旒。侯伯則七旒。子男則五旒。今總云四人。則不得兩兩維之。但一畔有兩人。分而維之也。

方相氏。掌蒙熊皮。黃金四目。玄衣朱裳。執戈揚盾。帥百隸而時難。那以索室驅疫。大喪先匱。及墓入壙。以戈擊四隅。毆方良。

方相氏主驅疫者。方相猶言放想。可畏怖之貌。蒙熊皮。示其猛足。以博厲鬼也。黃金四目。示其明。足以矚陰慝也。執戈揚盾。示其威也。時難。以時而難也。索室驅疫。入室中索疫鬼而逐之也。先柩為前道也。方良。讀作作。兩國語。士之怪夔。魍魎水之怪龍。罔象。毆之所以安上神也。

大。秦。僕。掌。正。王。之。服。位。出。入。王。之。大。命。掌。諸。侯。之。復。

衆矣。周禮。王以掌。駿。秦以後。遂掌馬。

逆。王。眡。朝。則。前。正。位。而。退。入。亦。如。之。建。路。鼓。于。大。寢。之。門。外。而。掌。其。政。以。待。達。窮。者。與。遽。令。聞。鼓。聲。則。速。逆。僕。御。與。御。庶。子。祭。祀。賓。客。喪。紀。正。王。之。服。位。詔。濮。儀。贊。王。牲。事。王。出。入。則。自。左。馭。而。前。驅。凡。軍。旅。田。役。贊。王。鼓。敕。日。月。亦。如。之。大。喪。始。崩。戒。鼓。傳。達。于。四。方。窆。亦。如。之。縣。喪。首。服。之。漚。于。官。門。掌。公。孤。卿。之。弔。勞。王。燕。飲。則。相。其。漚。王。射。則。贊。弓。矢。王。眡。燕。朝。則。正。位。掌。擯。相。王。不。眡。朝。則。辭。於。三。公。及。孤。卿。

僕。侍。御。之。官。大。僕。其。長。也。王。之。吉。服。有。六。所。立。有。位。大。僕。正。之。使。當。其。禮。出。大。命。宣。之。于。外。也。入。大。古。周。禮。四。卷。堂。策。監。

命納之於內也。諸侯有所報于上日，復有所言于上日，逆前正位，則司士所謂太僕前也。退則立于路門之左也。入亦如之。燕朝之位亦如外朝也。路鼓四面以象無所不通也。大寢路寢也。其門外則日內朝，掌其政，謂鼓節與眠朝蚤晚之度，無告困苦之民，四方急遽之令，二者欲其聞之速，故使之鳴鼓焉。御僕御庶子皆直事鼓所者，太僕聞鳴鼓，速迎此二官而受其事，以聞于王也。師曠王鼓以作士氣，日月薄蝕，王親鼓以驅陰慝。大僕皆贊其事，王崩而鼓以警衆也。

小臣掌王之小命。詔相王之小瀆儀。掌三公及孤卿之復逆。正王之燕服位。王之燕出入，則前驅。祭祀朝覲沃王盥。小祭祀賓客饗食賓射。掌事如大僕之瀆。掌士大夫之弔勞。凡大事佐大僕。

小臣大僕之屬。佐王趨行拱揖之容者。小命小事之命令也。小瀆儀，揖讓周旋之節也。盥洗手也。

祭僕掌受命于王，以眡祭祀。而警戒祭祀。有司糾百官之戒具。既祭，帥羣有司而反令。以王命勞之。誅其不敬者。大喪復于小廟。凡祭祀，王之所不與，則賜之禽。都家亦如之。凡祭祀致福者，展而受之。

祭僕代王行祭祀之事者。祭祀具備之初，王或有故不與，則命祭僕視之。凡有司執事于祭所者，皆警戒之。警以言而戒以事也。前期則有戒，既戒則百官之共具皆糾察之。受命以祭，故祭畢則帥有司而復命，敬其事者以王命勞之。其不敬者以王命責之。小廟，高祖以下廟也。同姓之國有先王之廟者，賜之禽，使自祭也。臣有祭祀歸胙于王，則展視其牲醴之數而受之也。

御僕掌羣吏之逆及庶民之復與其弔勞大祭祀相
盟而登大喪持翼掌王之燕令以序守路鼓

御猶侍也侍御于君之僕也庶民之復謂悼獨老幼有白于上者相盥而登相王潔手而升其牲醴于俎也序更也守路鼓以待達窮民與遽令也

隸僕掌五寢之埽除糞灑之事祭祀修寢王行洗乘
石掌蹕宮中之事大喪復于小寢大寢

隸僕主絮除廟寢者五寢五廟之寢也前曰廟後曰寢周天子七廟惟祧無寢乘石王登車之石也小寢高祖以下廟寢也大寢始祖廟之寢也

弁師掌王之五冕皆玄冕朱裏延紐五采纁十有二

就皆五采玉十有二玉笄朱紘諸侯之纁旒九就

璫民玉三采其餘如王之事纁旒皆就玉璫玉笄

王之皮弁會五采玉璫象邸玉笄王之弁經弁而

加環經諸侯及孤卿大夫之冕韋弁皮弁弁經各以

其等為之而掌其禁令

弁師主王弁冕之官王之冕有六大裘冕衮冕鷩冕毳冕希冕玄冕而此云五冕者大裘與衮同一冕也冕以版為之廣八寸長一尺一寸表而朱裏延版之上覆者組小鼻也綴于冕之武上四旁以笄貫之以五采絲為繩如藻之文以貫玉而垂于延之前後各十有二就成就也以五采玉相間用五采纁貫而垂之每就各十有二旒也玉笄朱紘以玉為笄橫貫于紐以朱為紘綴于笄之兩端而

毛詩充耳 琇瑩九耳 謂之璫天 子以玉諸 侯以石

禮記卷之五 禮記卷之五

結于領下也。諸侯之冕前後各九就，每就綴九旒。諸侯當作諸公，如其命數也。璿玉石似王者也。三采朱白蒼也。其餘制度皆與王同。謂玄冕朱裏，延紐玉笄朱紘也。侯伯七命，則七就子男五命，則五就。以玉為璫，所以塞耳。此總言侯伯子男之冕也。皮弁，王視朝之服，其縫中結五采玉為飾也。玉璫以玉為璫，即五采玉十二也。象邸以象骨飾采內頂上之邸也。弁，經王之甲服也。各以其等如其命數也。掌其禁令，不得僭踰也。

司甲

闕。甲，鎧也。似物。平甲以自禦也。

司兵掌五兵五盾，各辨其物與其等，以待軍事。及授

兵從司馬之灋以頒之。及其受兵輸，亦如之。及其用

兵亦如之。祭祀受舞者，兵大喪，厥五兵。軍事建車之

五兵會同亦如之。

此主兵器者五兵。弓矢戈矛也。五盾，獸車之盾。象車之盾，旅賁之盾。虎士之盾，與藩盾也。辨物，則其用各有所宜。辨等，則其制有長短大小也。軍事日待者，備不虞也。師旅卒兩之衆，合頒所用之兵器。其多少一從司馬之灋也。兵輸，謂師還而有司還兵也。用兵，謂出給守衛也。舞者，兵謂朱干玉戚也。喪厥五兵，陳于庭也。

司戈盾掌戈盾之物而頒之。祭祀授旅賁及故士戈

盾。授舞者兵亦如之。軍旅會同，授貳車戈盾。建乘車

之戈盾。授旅賁及虎士戈盾。及舍設藩盾。行則斂之。

戈矛戟也。盾干櫓也。戈所以克敵，盾所以衛身。戎備之最急者也。旅賁，掌執戈盾交賁而趨。及祭祀

古周禮

四卷

三六

堂象鑑

夏過也。所刺。謂去也。避也。避其後也。避以隱避也。

存實也張
之月隆然
也弩怒也
有勢怒也
矢指也言
其有所指
向迅疾也

則但執戈受擊兵也故士王族故士也以其從王
故授之戈盾以為衛也貳車副車也若有軍旅會
同之事則司戈盾以戈盾授之王所乘車不授之
但建戈盾于其上而巴旅賁虎士趨而衛王故亦
授之舍王所爰也設盾以為藩衛
也王行則無所用故歛而收之

司弓矢掌六弓四弩八矢之灋辨其名物而掌其守

藏與其出入中春獻弓弩中秋獻矢箠服及其頒之

王弓弧弓以授射甲革楛質者夾弓庾庚弓以授

射豸岸侯鳥獸者唐弓大弓以授學射者使者勞者

其矢箠皆從其弓凡弩夾庾利攻守唐大利車戰野

戰凡矢枉矢挈矢利火射川諸守城車戰殺矢鏃侯

矢用諸近射田獵矰矢箠矢川諸弋射恒矢庫矢用

諸散射天子之弓合九而成規諸侯合七而成規士

合三而成規句鉤者謂之弊弓凡祭祀共射牲之弓

矢澤共射樞質之弓矢大射燕射共弓矢如數并夾

大喪共明弓矢凡師役會同頒弓弩各以其物從授

兵甲之儀田弋充籠箠矢共矰矢凡亡矢者弗用則

更

弓弩矢箠舉重者而名之曰司弓矢灋謂曲直長
短之數也弓與弩成於陽氣方和之時故仲春獻
之矢與箠成於陰氣將堅之時故仲秋獻之箠盛
矢器也甲革以革為甲也楛木跌也質正也樞質

弓箭者生
絲縷以習
高足謂之
縷縷

植權以為射正。王弓、弧弓至，遷故以射甲革。繼質也。豨侯射約也。豨侯五十步。鳥獸必近而後射。夾弓、庾弓稍弱。故以射豨侯。鳥獸也。學射者先用弱而後用彊。唐大彊弱適中之弓。故以授學射者。與為使及勤勞王事者。枉矢取流星之名。挈矢有結約之義。枉矢亦謂之兵矢。挈矢象馬。五分二在前。三在後。其鐵比鏃。鏃為差小。前較重。後微輕。其行則疾。故利火攻。用之守城。車戰殺矢。傳樂而射。鏃矢侯敵。近而射也。殺矢前鐵最重。中之必死。故曰殺矢。鏃象馬。皆三分一在前。二在後。中深而不可遠。故用之近射。田獵為宜。結縷于矢。謂之縷矢。縷之言高也。弟矢象馬。弟之言刺也。可以刺射。飛鳥也。七分三在前。四在後。其鐵比在挈。又差小。其行不低。故用諸弋。恒矢安居之矢。庠矢平等之矢。曰恒。以其可常用也。庠矢象馬。以其矢行而庠也。八分四在前。四在後。訂其行平也。故可用之散射。謂禮射及習射也。往體寡來體多。則合多往體多。來體寡則合少。天子之弓。王弓、弧弓也。其體不甚

曲。故合九弓而成一規。諸侯之弓。唐弓、大弓也。其體極曲。故合三而成規。規。句曲也。弊惡也。句者為弊。則直者為良矣。祭祀射牲。示親殺也。殺牲非尊者所親。故用弓矢。澤謂澤宮將祭而習射。以選士之處也。擇士助祭。曰大射。燕飲而射。曰燕射。如數謂如當射者之數。弁夾謂矢之高者。以夾取之也。明弓矢明器之弓矢也。物謂弓弩矢箛之類。籠箛皆所以盛矢。籠以竹為之。箛以皮為之。田弋之時。則其矢而以其矢充實于籠箛之中也。錯矢不在籠箛之中者。更償也。亡矢者用而亡之。則不償。不用而亡者則償也。

繕人掌王之用弓。弩矢箛。增弋。決拾。掌詔王射。贊王弓矢之事。凡乘車充其籠箛。載其弓弩。既射則歛之。無會計。

繕人主繕治王用弓矢之類者繕之言善也蓋整
緝補治之也掌王之用工人所造諸器擇其善者
以共工之用也弋即繳也以生絲而繫矢也夾以
象骨為之著于右手大指以鈎弦拾以桑皮為之
著于左臂以遂弦也載弓弩載之于車也無
會計至尊所用不可以有司之灋拘之也

橐槁人掌受財于職金以齋咨其工弓六物為三等

弩四物亦如之矢八物皆三等箠亦如之春獻素秋
獻成書其等以饗工乘其事試其弓弩以下上其食
而誅賞乃入功于司弓矢及繕人凡齋財與其出入
皆在橐人以待會而考之亡者闕之

橐人主齋饗弓矢之工者箭箠曰橐財泉布也弓
弩矢箠百工所造橐人則受財于職金之官以給

其工謂市物料之直也弓六物謂王弧夾腹唐大
也其斗力疆弱分為上中下三等弩四物謂夾腹
唐大也其斗力亦分三等矢八物謂在挈級鏃鏃
箠恒庫也皆分三等盛矢之箠亦分三等弓弩矢
箠名雖不同必分為疆弱中之二等入各有所宜
也素樸也弓弩之胎也弓弩備四時之氣而後成
及秋乃可獻也書其等計工拙以享勞也當大閱
時試其弓弩良否善則上其祿甚則賞之不善則
下其祿甚則誅之誅責也及既考其功入之于
司弓矢以待頒賜入之于繕人以共工用也

戎右掌戎車之兵革使詔贊王鼓傳王命于陳中會
同充革車盟則以玉敦對辟闕盟遂役之贊牛耳桃

茹也

吉者選右
必先之以
下非卜吉
者不得與
也
尹盟者執
牛耳以示
衆發其順

此充戎路之右與君同車在車之右者也王乘戎
車以征伐則戎右駢乘執兵被甲以充役使兩軍

聽也

禮術曰桃者五木之精能厭服邪氣本州云桃晨至殺百鬼精物

相當王自鼓之而戎右詔王以當鼓之節且助擊也軍聲驚雜懼有不聞戎右則大言以傳王命也會同王乘金路而革車從則充革車之右也盟約之事則以玉敦共飲血敦槃類辟開也將飲血者先執其器陳載書之辭以開衆心也役之謂持敦血以授當飲者割牛耳以取血以桃條茹帚掃除不祥皆贊其事焉

齊

右掌祭祀會同賓客前齊車王乘則持馬行則

陪乘凡有牲事則前馬

以充玉路金路之右者祭祀王乘玉路會同賓客王乘金路王未乘車之時齊右立于馬前以備驚奔王既乘而行則在車為駟乘王見性則拱而式之齊右居馬前亦以備驚奔也

道右掌前道車王出入則持馬陪乘如齊車之儀自

車上諭命于從車詔王之車儀王式則下前馬王下則以蓋從

以充象路之右者道車象路視朝之車也王出入乘則持馬行則陪乘車儀車上動容周旋之儀也

大馭掌馭玉路以祀及犯輶跋王自右馭馭下祝咒

登受轡犯輶遂驅之及祭酌僕僕左執轡右祭兩軹

祭軌乃飲凡馭路行以肆夏趨以采齊凡馭路儀以

鸞和為節

以王路之馭馭之最尊者行山曰輶蓋封土為山于國門之外祭之以牲也大馭將下車祝神故王自車左代之為馭以制馬使不行也馭下祝大馭下車而祝神也已祭而升車乃受轡而犯輶遂驅

古周禮

四卷

三十

堂策檻

何氏曰輶者封土象山以善易棘相為神主既祭以車輿之而去翰無險難也

馬登其山而去之。所以犯輓也。僕即大馭也。王以祭之清酒酌之大馭。以左手執轡。以右手酌酒。祭左右兩轂之木車。軾前曰軌。大馭又祭軾前。然後飲之。凡馭路總言馭五路也。行謂大寢至門外。行欲緩。故工奏肆夏之詩。趨謂路門至應門。趨欲速。故工歌采齊之詩。以為節也。鸞和皆金鈴也。鸞在衡。和在軾。馬動則鸞鳴。鸞鳴則和應。取其聲以為車行舒疾之節。乃馭路之儀也。

戎僕掌御戎車。堂王倅車之政。正其服。犯輓如玉路之儀。凡巡守及兵車之會。亦如之。掌凡戎車之儀。

戎僕主革路之馭者。戎車革車也。王乘戎車以出。則戎僕馭焉。倅副車也。掌其政。所以正之。服謂乘戎車者之衣服。犯輓一如大馭之儀。王以兵出。故有犯輓之儀也。王巡守與盟會。用兵車二者皆垂革路戎車之儀。以威為主。若介冑有不可犯之色是也。

齊齊僕掌馭金路。以賓朝。覲宗。遇饗。食皆乘金路。其灋儀各以其等。為車送逆之節。

齊僕主金輅之馭者。齊所以承祭祀。王敬兵事。如祭故也。以賓以待賓客也。朝覲宗遇饗。食皆所以接賓客。故皆乘金路也。灋謂灋度儀謂儀容節謂品節。王乘車送迎賓客。以其爵命尊卑之等。為相去遠近之數。行人所謂上公九十足。侯伯七十步。子男五十步是也。

道僕掌馭象路。以朝夕燕出入。其灋儀如齊車。掌貳車之政令。

道僕主象路之馭者。朝夕謂旦暮。乘象路以之內外朝也。燕會自外朝。乘象路以還。燕寢也。早朝暮夕皆在王朝。來往而言燕者。以其在宮中行事。皆稱燕也。貳車道車之副也。

田僕掌馭田路。以田以鄙。掌佐車之政。設驅逆之車。令獲者植旌。及獻比禽。凡田。王提馬而走。諸侯晉大夫馳。

田僕主木輅之馭者。木輅以田。故謂之田僕。亦謂之田路。王乘之以田。獵以巡。行縣鄙者。佐車田車之副。貳也。獲者。樹旌。所以告獲。及獻禽。則比次其大小。多寡也。凡田。獵驅馳之。灋王使人扣馬而舉之。諸侯使人扣馬而抑之。皆所以止奔也。馳則放而不扣也。提以節之。晉以抑之。馳則亟促之。尊者安舒。卑者速戚也。

馭夫掌馭貳車。從車使車。分公馬而駕治之。

馭夫。貳車。從車。使車之馭也。從車。屬車也。使車。使者所乘之車也。三者皆公車。故用公馬。駕治者。駕而調治之。習其步驟而去其驚蹏也。

校人掌王馬之政。辨六馬之屬。種馬一物。戎馬一物。

齊馬一物。道馬一物。田馬一物。駑馬一物。凡頒良

馬而養乘之。乘馬一師。四圉。三乘為皂。皂一趣。鄒

馬。三阜為繫。計繫一馭夫。六繫為廐。廐一僕夫。六廐

成校。校有左右。駑馬三良。馬之數。麗馬一圉。八麗一

師。八師一趣馬。八趣馬一僕夫。天子十有二閑。馬六

先儒謂乾之策二百一十有六。在易乾為物。故六繫而二百一十六匹為廐。廐馬一圉。四句皆說駑馬。

禮記卷之五

種邦國六閑馬四種家四閑馬二種凡馬特居四之
一春祭馬祖執駒夏祭先牧頒馬之特秋祭馬社臧
僕冬祭馬步獻馬講馭夫凡大祭祀朝覲會同毛馬
而頒之飾幣馬執扑朴而從之凡賓客受其幣馬大
喪飾遺車之馬及葬埋之田獵則設驅逆之車凡將
事于四海山川則飾黃駒凡國之使者共其幣馬凡
軍事物馬而頒之等僕夫之祿宮中之稍食

校人馬官之長主馬者必校視其肥瘠駕良也一
云用木相交為圈檻以制馬之出入謂之校政謂
差擇養乘之馮也種馬謂良馬可為種者玉路用
之一物謂以一類相從也戎馬駕戎路者齊馬駕

金路者道馬駕象路者田馬駕田路者駕馬以給
宮中之役者天子之馬五良而一駕頒良馬頒之
于圉師圉人馭夫馭馬僕夫等掌馬之官養之乘
之然後教也四匹曰乘養馬曰圉乘馬分為四圉
則圉師一人主之阜馭也馬十二匹為阜一阜之
馬趣馬一人主之馬三百三十六匹為繫一繫之馬馭
夫一人主之馬二百一十六匹為廐一廐之馬僕
夫一人主之馬千二百九十六匹乃成一校而王
馬少備矣一校又分為左右此皆良馬也惟駕馬
三倍良馬之數馬麗耦也二馬為麗是二駕共為
一圉也馬十六匹共一圉師馬百二十八匹共一
趣馬一千二十四匹共一馭夫而王馬大備矣閑
以木為之所以防馬者校有左右則十二廐為十
二閑六種謂種馬戎馬齊馬道馬田與駕也六閑
諸侯良馬三閑駕馬三閑四種無種馬戎馬也四
閑卿大夫良馬一閑駕馬三閑二種止有田馬駕
馬也特牲馬也三牝一牡欲其生之多也馬祖天
駟星也馬二歲為駒性未定執之無令近牝也先

牧始養馬者牡為蹄齧不可乘用故因夏頒馬而
攻鑿其蹄也馬社始乘馬者臧僕簡為馭者令皆
善也馬步屬神為災能害馬者春夏秋所祭者祭
之以祈福冬所祭者祭之以禳穢也獻馬獻成馬
于王也馭夫馭車從車使車講簡習也毛馬齊
其色也飾幣馬以馬與幣同贈賜者則校人飾之
也執扑馭者執鞭策而從也受其幣馬受其庭實
之馬也遣車之馬塗馬芻馬也王巡守行祭祀于
所過四海山川之神則餼駒以狸沈祭告猶郊用
饋也物馬齊其力也稍食廩餼也曰宮中謂其養

乘主馬
于內者
何氏曰馬政之用古今一也而古之牧者在民今
之牧者在官以其在民也故牧養之濃不可得而
詳以其在官也故牧養之濃不可不講成周之制
官有馬質下士為之而賈二人以平馬價則是富
時公私皆右
至廐為匹二百
然校人之職掌王馬之政自乘
可五分其良而駕居其一

馬凡五良而一為則總為馬二千六百此其大數
也王馬之政牧養之濃莫詳于此又以井田之濃
許之甸六十四井也其賦兵車一乘戎馬四匹又
以六鄉六遂之民而實計之十有九萬家則王之
馬不能加其二分之一至于徒役之興戰陣之事
則王命校人掌服其司而次之則馬不專賦于民
矣又以大司馬之濃而許之則天子提封萬井兵
車萬乘戎馬四萬匹則是所賦之馬多于王數十
倍而當時不有牧養之濃為其在民者多也漢有
牧師諸苑三十六所畜馬三十萬匹用官奴三萬
人散在比邊則牧之以民又有牧之之地唐初得
隋馬三千匹八坊四十八監而張萬歲掌之其後
萬歲失職馬亦減少至王毛仲領羣牧而有四十
三萬唐之諸監或在隴右或在河西為之蕃耗皆
于監牧之人而又有牧之之地則其在官也多矣
○訓雋云牧養之濃有養之于官者有藏之于民
者如丘甸歲取馬一匹之類皆是藏之于民不仰
國家芻秣有專田獵征伐臨時徵召然而在天

子之郊諸侯之國大夫之家米嘗不自畜馬此是
養之也漢家所謂三十六苑之馬亦官司所
養之也其制尚存唐之開治兵之制天
有所謂監牧者非不盛然府兵未嘗給馬而不過
子爾以監牧府兵自買馬人共出錢買馬以此
知尚有監牧人遺漢後來兵漸壞府兵貧不能以
買馬然後以監牧之馬給之乃是制度之壞如此
○司馬漢甸出長轂一乘牛三頭馬四匹此國馬
也校人以下所掌此公馬也國馬行軍公馬給公
家之御用國馬養之
在民公馬養之在官

趙馬掌贊正良馬而齊其飲食簡其六節掌駕說
之頒辨四時之居治以聽馭夫

趙馬主惟促養馬者良馬以五終者校人既服
而乘之趙馬又贊助人馬之必良有弗良也
齊其飲食養之使無饑渴欲其力之均也簡其六
之六馬使合其節也駕以行說以止有勞逸之節
故敘而頒之居謂牧房廐閑之所治謂執
駒攻特之屬以聽馭夫惟馭夫之所役也

**巫馬掌養疾馬而乘治之相醫而藥攻馬疾受財于
校人馬死則使其賈**
占鬻鬻之人其布于校人

巫馬主治馬病者乘治謂驅步以發其疾知其所
病處然後治之也相助也藥攻馬疾謂馬之所疾
有藥不尾以療之者以毒藥攻之也受財于校人
以資醫馬之賈也鬻賣也賈知馬價馬死則使鬻
之布
泉也

**牧師掌牧地皆有厲禁而頒之孟春焚牧中春通淫
掌其政令凡田事贊焚萊**

以竹括搖
其不驚
其不驚

牧師主芻牧者牧地泉甘草美之處如沂渭之間
華山之陽是也厲禁者謂廣狹之界不使人得侵
耕及縱牛馬以蹂踐也頒之授圉人所以所牧處也
孟春黃落之餘焚牧使新草暢茂也仲春交生之
時通注使為類蕃息也焚萊掌于
山澤之虞牧師贊之護牧地也

度人掌十有二閑之政教以阜馬佚特教駝兆攻

駒及祭祖馬祭閑之先牧及執駒散馬耳圉馬正校

人員選馬八尺以上為龍七尺以上為騾六尺以上

為馬

度人土十二閑者度隱也以閑者馬之所隱也天
子之馬十有二閑自阜馬以至圉馬皆有政教也
阜馬秣飼以時使之壯盛也佚特乘用有節使不
甚勞也馬三歲曰駝二歲曰駒教駝始乘習之也

攻駒治其蹄齧也散馬耳以竹括押其耳項無使
善驚也養馬曰圉正校人員選選擇圉師圉人之
屬可備員校人者天子以駕五路者故稱龍諸侯
之上駟故稱駝六尺以上特常材耳故但稱馬

圉師掌教圉人養馬春除蓐夏庠雅馬

冬獻馬射則充楛楛質茨慈牆則剪闔

養馬之所曰圉師其長也除蓐者冬寒藉馬以蓐
春則除之也馬久羣聚瘟疫生焉殺牲釁廐辟去
邪氣也始牧方春時和始出牧也庠廐也所以庇
馬使涼也楛質以木為之縛草以代侯者闔苦也
茨牆則剪草以苦蓋也

圉人掌養馬芻牧之事以役圉師凡賓客喪紀牽馬
而入陳廐馬亦如之

圉人圉師所役共芻牧者芻以飼馬牧以放馬皆所以養之也以役圉師圉人受教于圉師故聽其役也賓客則牽馬而陳于館喪紀則牽馬而陳于廟廡馬遣車之馬也

職方氏掌

天下地圖以掌天下之地辨其邦國都鄙

而隸于司

四夷八蠻七閩九貉貉五戎六狄之人民與其財用

僕豪傑秘

九穀六畜之數要周知其利害乃辨九州之國使同

不得見以

貫利東南曰揚州其山鎮曰會稽其澤藪曰具區其

使同貫利

川三江其浸五湖其利金錫竹箭其民三男五女其

言天下人

畜宜鳥獸其穀宜稻

民好惡不

職方主四方之疆域人民財用者圖地圖也邦國

同物產有

諸侯也都鄙采邑也東方有河夷南方有八蠻東

燕等貫

南有七閩西北有九貉西方有五戎北方有六狄

說非一張

邦國都鄙在九州之內夷蠻閩貉在九州之外凡

勅似矣但

內外之域其人民風俗皆辨之與其財用之所出

太湖既即

九國之所生六畜之所產莫不辨其數要數謂別

異區則此

而計之要謂別而總之也利如金石粟帛之屬為

曰數澤曰

人利者害如猛獸長蛇之屬為人害者使同貫利

浸不應兩

使皆通享其利也山曰鎮者名山能興雲雨利民

見大都當

物以鎮安一州也會稽山在越州今紹興府水所

在吳越境

鍾曰澤草所生曰藪具區今在蘇州府即太湖禹

所史記正

貢謂之震澤水流而趨海者曰川三江見禹貢謂

揚五湖之

粵江東江松江也水積而成淵曰浸五湖何氏曰

太湖既即

彭蠡洞庭兼湖太湖濫湖也圖經云貢湖遊湖胥

異區則此

湖梅梁湖金鼎湖韋昭云胥湖蠡湖洮湖滬湖與

曰數澤曰

太湖為五義興記太湖射湖貴湖陽湖洮湖是為

浸不應兩

五湖史記上姑蘇望五湖正義云遊湖莫湖貢湖

見大都當

陵湖胥湖為五並太湖東岸五蠻索隱云具區洮

其周行五百餘里故曰五湖虞翻云水通五道謂之五湖國語賦于五湖直在荳澤湖耳范蠡汎五湖亦荳澤也王氏曰國語伍子胥曰吳與越三江環之范蠡曰與我爭三江五湖之利者非吳耶然則三江五湖乃吳越之境內也春秋越與吳戰于五湖注今太湖也然則太湖即五湖耳非太湖之外又有四也民資以為生者曰利竹之大者曰竹竹之小而可箭者曰箭二男五女通一州之人計之七人之中二為男五為女女多于男也民待以為養者曰畜山澤多故鳥獸繁稻香稅也厥土塗泥故宜稻

正南曰荆川其山鎮曰衡山其澤藪曰雲膏其川江漢其浸潁湛耽其利丹銀齒革其民一男二女其畜宜鳥獸其穀宜稻

衡山南嶽也今在潭州雲在江北管在江南今江夏安陸華容枝江皆其地江出岷山漢出嶓冢合流于荆潁出陽城丹朱砂也銀白金也齒象齒也革獸皮也三人之中一男二女女倍于男也

河南曰豫州其山鎮曰華山其澤藪曰圃田其川滎雜其浸波澆詐其利漆絲枲其民二男三女其畜宜六擾其穀宜五種

豫州在大河之南華山西嶽也在今華陰滎水名今滎陽縣雜即洛也今洛陽縣波澆書禹貢滎波既滂爾雅水自洛出為波澆漆木成林故曰漆其民五人之中男二女三擾馴也六擾馬牛羊豕犬鴉也五種即五穀也

正東曰青州其山鎮曰沂山其澤藪曰望者其川滄

滎之滎
亦作滎陽

泗其浸沂沐。述其利蒲魚。其民二男二女。其畜宜雞狗。其穀宜稻麥。

沂水所出在蓋縣望者即禹貢孟諸在睢陽淮出桐柏即今淮河泗出魯國在今泗州沂出沂州沐出東莞蒲水草其地多水故多蒲魚二男二女男女相等也

河東曰兗州。其山鎮曰岱山。其澤藪曰大野。其川河洧。其浸盧。雷維。雍其利蒲魚。其民二男三女。其畜宜

六擾。其穀宜四種。

兗州在大河之東岱山即泰山東嶽也。大野見禹貢在今鉅鹿縣或謂即今之南望海也。河謂大河洧與濟同盧當作雷即雷夏也。維當作雍即維水也。四種黍稷稻麥也。

正西曰雍州。其山鎮曰嶽山。其澤藪曰弦蒲。其川涇。其浸渭洛。其利玉石。其民三男二女。其畜宜牛

馬。其穀宜黍稷。

嶽山在汧弦蒲在汧陽涇出涇縣汭出汧源渭出鳥鼠洛出熊耳汧隴之西水多美玉石琅玕之類其民男多于女其六畜之中但宜牛馬五穀之中但宜黍稷

東北曰幽州。其山鎮曰醫無閭。其澤藪曰貍。其川河洧。其浸菑。菑時。其利魚鹽。其民一男三女。其畜

宜四擾。其穀宜三種。

醫無閭在遼東貍養在長廣一云在萊陽今萊陽縣有貍養津菑出萊蕪時出舛陽其地近海故多

魚鹽其民男最少女最多四
擾馬牛羊豕三種黍稷稻

河內曰冀州其山鎮曰霍山其澤藪曰陽紆迂其川
漳其浸汾潞其利松柏其民五男三女其畜宜牛羊
其穀宜黍稷

冀州在河北東西南三面距河霍山在堯陽一云
在霍州漳出長子縣汾出汾陽潞出歸德其地多
山故多松柏其民男最多女最
少其畜六擾之中但宜牛羊

正北曰并州其山鎮曰恒山其澤藪曰昭餘祁其川

呼池駝嘔謳夷其浸涑易亦其利布帛其民二男

三女其畜宜五擾其穀宜五種

恒山北嶽也在上曲陽昭餘祁在鄆岸他出鹵城
嘔夷出平舒涑出廣昌易出故安宜于蠶績故多
布帛五擾馬
牛羊犬豕也

丘氏曰冀兗青徐揚荆豫梁雍此禹貢之九州也
冀豫雍幽營揚兗荆徐此爾雅之九州也揚荆豫
青兗雍幽冀并此職方之九州也禹貢九州之名
舊矣舜時肇十有二州分冀為幽并分青為營至
夏則復為九州爾雅九州商制也不可考周之九
州與禹貢不同周都雍不可不廣梁山多險阻故
合梁雍為一州徐地狹隘故青兼之堯舜都冀地
壤最潤今之虜多在其內且帝都所寓人民阜蕃
至周亦然故
冀州乃幽并

乃辨九服之邦國方千里曰王畿其外方五百里曰
侯服又其外方五百里曰甸服又其外方五百里曰

男服。又其外方五百里曰采服。又其外方五百里曰衛服。又其外方五百里曰蠻服。又其外方五百里曰夷服。又其外方五百里曰鎮服。又其外方五百里曰藩服。

九服即大司馬之九畿也。以其服事天子故曰九服。○丘氏曰：衛服之外，聖人雖制之，服而不必其來。故武成敘諸侯之助祭，洛誥稱諸侯之和會。康王之誥，陳諸侯之聽命，止言五服而已。蘇氏曰：周之西都，今關中也。東都，今洛陽也。東西長，南北短，關中距北虜種二百里。此言王畿之外，以至九服，四方各五百里，如畫棋局，皆空言耳。

凡邦國千里，封公以方五百里，則四公。方四百里，則

六侯。方三百里，則七伯。方二百里，則二十五子。方百里，則百男。以周知天下。

一州之地，其方千里，以其千里封公，則可方五百里者四國。以其千里封侯，則可方四百里者六國。七伯當為十一伯字之誤也。以其千里封子，則可為方二百里者二十五國。以其千里封男，則可為方百里者百國。如此，則天下之地，可以徧知矣。○按孟子曰：天子之制地方千里，公侯皆方百里，伯七十里，子男五十里。周蓋千八百國，如封公以五百里，侯四百里，伯二百里，子男百里，而海內之地方千里者九，何足以封要之？孟子之言，如黃楚望云：孟子之言，因殷之制職方所言，乃周家之制也。計武王之興殷，諸侯尚千餘國，既無功，益地亦無罪，削邑此當仍其舊封。如孟子之說，乃若周公大公有大勳勞，及其餘功臣當封爵，與夫並建古周禮。四卷。四十一。堂策檻。

宗親以為藩屏豈可限以百里之濶哉自當用周制耳諸侯惡害已而去籍則周家一代之制雖孟子亦有不

能詳也

凡邦國大小相維王設其牧制其職各以其所能制

其貢各以其所有王將巡狩則戒于四方曰各修乎

乃守攷乃職事無敢不敬戒國有大刑及王之所行

先道帥其屬而巡戒令王殷國亦如之

凡治邦國諸侯之濶使大國比小國事大以相維繫王設九州之牧以統諸侯建立職守各因其材不彊其不能也建立貢賦各隨其產不責其所無也王巡諸侯之所守則前期警戒于四方之諸侯守謂國境之內修之平之使各當其分也考察之不使有曠職廢事也建其所戒則國有大刑不

特常刑也及王巡狩所行之處先道則在王前而

巡行前日所施戒令察其從違也殷衆也十二歲

王不巡狩則六服盡朝謂之殷

國其戒四方諸侯與巡守同

土方氏掌土圭之法以致日景以土地相宅而建邦

國都鄙以辨土宜土化之灋而授任地者王巡狩則

樹王舍

土方氏主度四方邦國之土地者土圭長尺五寸

以測日景致日景立八尺之表夏至則景尺五寸

冬至則景丈三尺土猶度也度地勢而相其可居

者以建諸侯之邦國公卿之都鄙土宜謂九穀所

生土化謂糞種所用授任地者謂授之以地而

任其耕種也樹王舍王之所舍為之樹藩籬也

懷方氏掌來遠方之民致方貢致遠物而送逆之達

古周禮 四卷 聖 堂策檻

之以節。治其委積。館舍飲食。

懷方氏主懷來四方之民者。遠方之民謂蠻夷鎮藩也。來謂招攜以禮懷柔以德使之慕德感義而自至。非誘而致之也。方貢四方所貢之物也。遠物遠人所獻之物也。送往迎來為之禮而不鄙夷之也。達之以節。達其民以旌節。達其貢以重節也。委積以備其用。館舍以安其居。飲食以順其好也。

合方氏。掌達天下之道路。通其財利。同其數器。壹其度量。除其怨惡。同其好善。

合方氏主合同四方之事者。合猶協也。達道路者。津梁以時修理。榛蕪以時開闢。使往來無阻也。通其財利。貨遷有無以相濟也。同其數器。十百千萬之數。吉凶禮樂之需。使無異同也。一其度量。分寸尺丈之度。合升斗之量。使皆齊一也。鄰國有相怨相惡者。除之使相和睦也。邦國有相好相善者。

之使相堅固也。○何氏曰。同數器。使權衡之。無異同也。一度量。使丈尺釜鍾之。大小皆齊一也。除怨惡。使講信修睦。不相侵伐也。同好善。使敦仁尚義。不為奇袤也。

訓方氏。掌道四方之政事。與其上下之志。誦四方之傳道。正歲。則布而訓四方。而觀新物。

訓方氏主訓導四方之民者。道言也。四方諸侯大之為政。小之為事。皆言于上。也。列國君上臣下之志。孰謂好賢。孰謂忠諫之類。亦告于王。四方之傳道。謂世所傳說。往古之事。亦為王誦之一歲之始。布為教言。以訓天下。誦以所道。又訓以其所誦。則四方之民。所聞無非正言。所見無非正道矣。又于新物之出。陳而觀之。以察民之好惡。則所以移風易俗之道。在是矣。

形方氏。掌制邦國之地域。而正其封疆。無有華離。

之地使小國事大國大國比小國

形方氏主制四方邦國之形體者邦國之地域廣狹大小各制其形體正其封疆境界分明不使侵爭攘奪也華讀作瓜析而不絕為瓜絕而不續為離地無瓜離則封疆正矣小國伯子男也大國公侯也○按比之為義有倚比借比意故東方有比目魚不比不行南方有比翼鳥不比不飛西方有比肩獸有難負而走北方有比肩民迭食而迭望蓋合成雙美離則兩傷比之之妙也大國有六合在宥之仁此不可望之小國故曰大國比小國
山師掌山林之名辨其物與其利害而頒之于邦國使致其珍異之物

山師遙掌畿外邦國之山林者物乃山林所產若羽畎之夏翟嶧陽之孤桐柞林之林木是也利

物之利益于人者害謂物之害毒夫人者頒之于邦國頒布于畿外之邦國也珍異之物邦國所產則使之獻于王朝也

川師掌川澤之名辨其物與其利害而頒之于邦國使致其珍異之物

川師遙掌畿外邦國之川澤者物乃川澤所產如泗濱之浮磬淮夷之蠙珠是也

甸師掌四方之地名辨其丘陵墳衍遠隰之名物之可以封邑者

甸師遙掌畿外邦國之原隰者地之廣平者曰甸四郊之地名如禹貢冀之太原大陸徐之東原雍之原隰是也物之相其土地可以居民之邑者

匡人掌達灋則。匡邦國而觀其慝。使無敢反側。以聽王命。

匡人主以灋則正諸侯者灋則即入灋八則推而達之匡正也觀其慝察其姦偽之惡也反倍常側不正乃隳王度使無敢反側惟王命之是從也

擯壇人掌誦王志。道國之政事。以巡天下之邦國。而語之。使萬民和說。悅而正王面。

擯探也主探上德意以告天下者志者心之所之也政事者心之所發也巡行天下而以王之志慮和鬯天下之民皆悅而面向于王矣

都司馬掌都之士庶子。及其衆庶車馬兵甲之戒令。

以國灋掌其政。征學。以聽國司馬。家司馬亦如之。

亦曰以學而後入政政必使之曉國法也

都司馬主都之軍賦者都謂王子弟及公卿之采地也士謂公卿之適子庶子則衆子也衆庶謂其都之民也車馬兵甲都之所共也司馬兵官故掌其車馬兵甲之戒令政謂程賦學謂修德講學也國司馬玉之司馬也車馬兵甲掌于大司馬故聽命馬或謂師田之類聽大司馬之令而奉其節制也家司馬主家之軍賦者家謂大夫之采邑也都家司馬雖不同然守其戒令掌其政學而聽命于大司馬則家司馬與都司馬均也

丘氏曰古者國之子弟無時不知教無處不有學退在學校受教于司樂進在王朝受教于師保氏入而宿衛有官伯按其在板者而教之出而守禦有都司馬掌其正學以教之出入進退教未嘗不行其間非若後世之教止于庠序而已

